

59732 Kat. Komp.

III

Mag. St. Dr.

S

C



M

H

V.

Cu

Phil

Ecc



SUMME DEUS!

quod sponte Tua mihi fortè dedisti,

Efficias dignum Nomine quæso Tuo.

*Februarius
1703*

QUÆSTIO

LOGICA,

De Ente Rationis.



Ex Libro 4. Meth: Cap. 2. & Lib: 6. Tex: 8vo.

DESUMPTA;



SVB FELICISSIMIS AVSPICIIS,

Magnifici, Perillustris & Admodum Reverendi D.

D. M. ANDREÆ

KRUPECKI,

V. I. D. & Professoris, Ecclesiæ Collegiatæ SS. Omnium

Custodis, Curati Luborzycensis, Roszczeviani, & Contubernij Phi-

losophorum Provisoris, Canonizationis B. IOANNIS CANTII

Procuratoris, Studij Almæ Vniversitatis Cracoviensis,

Generalis & Vigilantissimi

RECTORIS;



M. MATTHIA PAVLO CELEIOWICZ,

Philosophiæ D. & Professore, Contubernij Sisiniani Seniore, in Archipresbyterali

Ecclesia B. M. V. in Circulo Crac: in Capella Chelmsciana Præbendario, S. R. M. S.

PRO LOCO IN COLLEGIO MINORI OBTINENDO.

In Peraugusto DD. Theologorum Lectorio,

publicè ad disputandum

PROPOSITA.

Anno D. 1703. Mense Februario Die 3tia.

IN S Y E M M A
ILLVSTRISSIMI & REVERENDISSIMI
D O M I N I.



Iterum in Pontino agro, cum simili pugna M. Valerius, insequente Gallo, Sacra Alite adjutus retulit spolia. & inde CORVINI.

Lucij Annaei Flori, rerum Romanarum
Lib. 1mo, Cap. 13. testimonium

D. MICHAELI IOSEPHO

DE WILKOW

WILKOWSKI,

Sacri & Candidissimi Ordinis PRÆMONSTRATENSIS
CANONICORVM REGVLARIVM,
DIVINA VOCATIONE,
ABBATI IN CHEBDOW BRESTENSI &c.

Domino, Patrono Observandissimo.

Devinctissimus Author. S. & P. F.

*F*estivum duc quaeso Chorum, pede plaude Thalia!
Plaudite Pierides! grata Poesis ovat.
Ludit in extremo spirabilis aetheris Ales,
Pandit & alti sona gaudia voce sibi.
Plaudit ovans! Aurum Phoebos mirante rotatur,
Aurea Laurigeris tempora fertq; viris.
Ales, frondis honos: onus atq; est illius ales;
In summo CORVVS confidet usq; CRVCIS.
Non satis est ferrum Volucris, CRVX Aurea praestat;
Illud praelia fert, Ista triumphus adest.
Aetheris est Civis, summoq; à vertice prendit
Et decus & pretium, pro CRVCE quando sedet.
Crastinat haud unquam, qui Gemmas ore dat: Aurum
Gratius ex rostro lumina Sole jacet.
Aetatem CORVVS cervi ter praeterit ater?
Aequat at Hic CORVVS Sarmata secla Tua!
Aurum cum mundo ferrum genitumq; probamus,
Comprobat Hic meritis tempora tanta suis.

Causa est in promptu: cum SOLEATVS eat.
Hæc SOLEA non raro Orientis CYNTHIA sevis
Ignibus exardens strata gemebat humi.
Vrsa ferox, glaciale malum, sævosq; Gelonos
Parturiens; foetum moeruit ipsa suum.
Coelorum fuerat munus, quod MOSCVA frendens
Iclibus horrificis anxia, pressa fuit.
Pondere virtutis tanto WILKOVIA crevit,
Cum Gemmis Aurum congeminando Domus.
Consociat ferrum, majores hostibus ipsis
Attonitis ut hinc inferat Ipsa plagas.
Quærite Pierides castæ, cur nostra Pœsis
Tantisper siluit? jussit Apollo sacer:
Quæsit in celso cunabula, quæsit atq;
Gemmas; ut placidus fortè rediisset honos.
Invenit, quæ sorte sibi res prospera fingi
Possit; & à Gemmis cum CRUCE traxit opus.
O felix Pataraea, demum nunc Aula! per altum
Aera cum CORVO ludere dulcè potens!
In terris non linque precor pia Nomina! velox
Sidere sub nitido quæis spatietur AVIS. (Coronã
Mitte graves ABAVOS, ATAVOS, PROAVOSq;
Innexam Coelis, Musa superna canat:
Sat meminisse Tibi (debiles tenuando cothurnos)
Quæ patet usq; Caput, quæ patet atq; Manus.
In Caput incubuit Mytræ decus; & pia Dextra
(Æmula quæ nivis est,) Pondera Sacra tenet:
Candidus ô ABBAS, Doctorum summe Virorum.
Diceris, ingenio sat memorande suo!

Tu mihi præ Cunctis, Tu Gloria prima ducis

In quem Regnantium prospere fertur amor.

Te olim delicias cuncti dixere IOANNIS,

Cui Oriens vincas subdidit ipse manus.

Te SRENIAVA LVBOMIRIVS, CAPVT atq;

DONHOFFI

Flagrabant; Ambo conditione pari.

Sed meritis censende Tuis! ex Sangvine claro

Atq; Coronatis, munera nulla petis.

Vexillo clarus Frater Gladioq; IOANNES,

Duplicat immensum Nomine laudis opus.

Clara Rhodus transiit, muri bimarive Corinthi;

*Nam fuerant vanæ perditionis opus.**

Sed geminæ Turres, queis nunc CHEBDOVIA splendet;

Immortale Tuum Nomen in astra ferent.

Istuleæ tanquam ripæ Pharon imposuisti,

*Quam, qui sulcat aquas navita grande stupet.**

Hanc, inter referet spumantia littora Tethys,

Cum nova monstrabit signa relicta vado.

Nec sunt falsa meæ (credo) præsagia Musæ;

Cum Tibi nectareis fontibus ora fluant.

Hinc facis, ut placido bene currere carmina nexu

*Possint, artifici nonve nocere suo.**

Quæ, si tempus edax, aut invidiosa vetustas,

Consumpsisse parent? TURRIBUS addo Tuis.

Inclyta sunt Regno multum monumenta: proinde

Carrine cum Turres Vistula dulce sonet.

Idem humillimè deprecatur à DEO;

Illustrissimæ & Reverend: Dominationis Vestræ

B

Devotissimus Servus

M. M. P. C.

QUÆSTIO LOGICA.

ENS *Vtrum* Rationis habens in mente repōstum
Esse hominum, solâ hac efficiatur idem?

An fiat, quando intellectus concipit illud?

Tergeminas species constituatq; bene:

Cùm mens plura Refert, Privat, Negat; & quasi formas
In rebus ponit talia ficta sua?

CONCLUSIO I.

ESSE suum Ens Rationis habet sola in ratione,
Obijcitur quando concipiturq; simul.

COROLLARIA.

I.

IN rebus fundatur idem, nihil est neq; purum,
Ast aliquid; minima est cui tamen esseitas.

II.

ENS fictum, dissentit ab hoc, fundatur in ipsis
Quod rebus; proprium nomen abinde trahens.

III.

APPRIME descriptum est, cùm dicitur: esse quod omne
Objectivè tantum in ratione tenet.

IV.

FORMALIS Tibi si fortè est essentia cura,
Ens facit hanc verum, si capis improprie:
Est super objecto percepto sed fere tota,
Internum nomen quod tamen addit ei.

V.

ET non hoc titulus facit Ens extrinsecus ullus:
In rebus namq; est, non ratione mea.

CONCLUSIO II.

ENS hoc mens humana parit, non dirigit actum;
Comparat ast quando; tunc facit illa quidem.

I.

ENs Rationis & Istud nulla Potentia format,
Interior quamvis sit, vel & Exterior.

II.

Internus formam sensus quamvis neget illi;
Materiam tribuit sed tamen ille suam.

III.

Ejus cognitio censenda est practica tantum;
Qua, quod noscitur, est res velut ipsa simul.

IV.

Plurima si cupiat difformia prona voluntas,
Entis causa tamen non valet esse Mei.

V.

Hoc DEVS Omnipotens è Majestate tremenda
Angelus & nunquam fingere rite potest:
Concipiat quanquam, cognoscat, vel speculetur;
Non tamen hunc actum, quem damus, Ille potest.

CONCLUSIO III.

ENs hoc mens humana facit formaliter, actu
Expendit quando, concipit atq; simul.

COROLLARIA.

I.

Existit quando formaliter Ens Rationis,
Passivus finis cognitionis erit.

II.

ENs intellectus formaliter haud facit istud
Divinus. Nam sic, non DEVS Omnipotens.

III.

Causatur, definitur, quando Ens Rationis;
Hinc rectè nunquam cognitione caret.

IV.

Ejus cognitio, Species Expressa probatur;
Impressam quoniam non retinere potest.

V.

Sic fundamentum quamvis formaliter Ejus;
Ens Rationis abhinc non tamen esse potest.

CONCLUSIO IV.

ENs bene dividitur Rationis: cum Negat ipsa,
Privat, mensq; Refert; (ast homo solus agit)

I.
*Est mediata tamen divisio talis in Ente ;
Ista tres Species cum tribuuntur ei.*

II.
*Fundati in rebus propior fit sectio ; cum mens
Plura Refert ad se, vel Negat illa typum.*

III.
*Hæc sed adæquata est, cum divido per tria totum
Ens hoc: cum Privo, cum Nego, cum Refero.*

IV.
*Sed, si mens Referat, Logicum tunc Ens Rationis ;
Suprema est Artis, cætera quando facit.*

V.
*Quæ patet Ens istud, Fundatum dicito, Fictum ;
Et perfecta Tibi Sectio tota manet.*

I N S T E M M A
ALMÆ MATRIS VNIVERSITATIS
Filius Author.



BIBLIOTHECA
VNIV. IAGELL.
CRACOVENSIS

*Aurea Sceptra Parens claro pro Stemmate gestas ?
Animum pro meritis det DEUS ipse Tuis.*

A. M. D. G.

Biblioteka Jagiellońska



stdr0024079

